

元始无量度人上品妙經卷之三十二

五行順治品

道言昔於玉虛大明天中九華寶光神瑞慶土受元始度人五行順治妙品元始天尊當說是經周迴十過以召十方始當詣座天真大神上聖高尊妙行真人上清五星真君無鞅數眾乘空而來五色重光景雲四繞紅瓊之軒紫琳之輅金輪轉轂日駕浮空羽箒連霞金真警衛流虹交映玉馬騰煙照徹碧虛三日三夜七宸啓靈五斗順位璣衡停運山嶽玄鎮天道開明華林蒼彩長樓列觀接引凌風金闕瑤京無復高下地敷寶砌色吐瓊綿眾真侍座

道藏輯要

度人妙經

三

角集七

×××

元始天尊玄坐五雲浮黎冰玉金映萬寶之座與中天紫垣蒼華生德萬壽道君丹華陽德萬福道君皓華正德萬善道君玄華一德萬生道君大華聖德萬順道君五方真元道君元始開圖之後五氣乃分道祖攸同氣母稟異將宣五行順治生化三界慈育萬彙之道說經一遍諸天大聖同時稱善是時一國男女宣行順教無有尅傷說經二遍四氣和平時不失度說經三遍沖用太和景物長春說經四遍騰氣均行人無衰薈說經五遍陰陽調運疾病不生說經六遍羣生遂性萬宇咸甯說經七遍五星合明珠躔周軌說經八遍甘露浮空靈芝鬱秀說經九遍天光下濟泉曲開明說經十遍國被道化率土歸賓是時一

國是男是女莫不傾心皆受護度咸得長生

道言是時元始天尊說經一遍東方無極無量品蒼華九氣至  
真大聖無鞅之眾淨空而至說經二遍南方無極無量品丹華  
三氣至真大聖無鞅之眾淨空而至說經三遍西方無極無量  
品皓華七氣至真大聖無鞅之眾淨空而至說經四遍北方無  
極無量品玄華五氣至真大聖無鞅之眾淨空而至說經五遍  
東北無極無量品素華梵炁至真大聖無鞅之眾淨空而至說  
經六遍東南無極無量品碧華梵炁至真大聖無鞅之眾淨空  
而至說經七遍西南無極無量品大華梵炁至真大聖無鞅之  
眾淨空而至說經八遍西北無極無量品寶華梵炁至真大聖

道藏輯要

度人妙經

一西

角集七

×三十一

無鞅之眾淨空而至說經九遍上方無極無量品紫華一炁至  
真大聖無鞅之眾淨空而至說經十遍下方無極無量品黃華  
一十二氣至真大聖無鞅之眾淨空而至十遍周竟十方無極  
至真大聖一時同至一國男女傾心歸仰來者侍側圍繞咸欲  
欣聞元始天尊召集五元道君敷演五行順治長生之法物無  
大傷永絕刑禍普天稱慶劫劫隆平於是元始變身示現天座  
高遠大如蕭臺翠光層劫以億爲仞元始聖體巍巍瑩如寶山  
十方華林同蔭若蓋金色洞耀徧照無極元始登引天真大神  
上聖高尊妙行真人五元道君十方無極至真大聖無鞅數眾  
俱升玄座天人仰看一天真住一天界瓊欄藻井金闕琅軒

無不備足說法之聲億眾如一心心相通法音無間同時說法  
無有違逆比之流泉傾瀉妙意一切眾生各各了知金木水火  
土五行之氣自相順治本無刑剋雖有勝復鬱拂之變斟酌天  
倪以生和氣五行混同升降合德五氣調平三界泰定及於人  
物一切生身三元構精五行結秀順治不逆沖德滋神虛含道  
真凝如珠玉大若彈丸光華鮮灼太空有象是時天人一切眾  
生以順治故斷絕死道諸惡不生大業宿寃一時頓息地獄眾  
苦猛火洋銅變成青蓮九幽北都爲安樂國以五行順治則萬  
物化生三界靈仙一切種民悉無罪越諸天遙唱萬神設禮一  
國之境如懸冰玉及似寶珠表裏明徹略無浮翳以及纖塵元  
道藏輯要

度人妙經

三五

角集七

太上

始卽於玄座所現之境說經都竟眾真監度以授於我當此之  
時喜慶難言諸天復位倏歛之間寂無遺響是時天人遇值經  
法普得濟度全其本年無有中傷傾土歸仰咸行順心順道順  
德順善順法順真順明順生順神順化言無悖異口無惡聲齊  
同慈愛異骨成親國安民豐欣樂太平經始出教一國以道預  
有至心宗奉禮敬皆得度世

道言元始天尊說經中所言並是諸天上帝內名玄道順福五  
行不尅全物之隱音亦是五元道君內諱混交五氣之隱名也  
非世之常辭上聖已成真人通玄究微能悉其章誦之十過諸  
天順度萬物生榮天潢隨流氣無鬱藹山安海鎮六天運明三

辰駐照九道齊并羣魔鬼精歸道成人白骨屍骸順治更生至  
學之士誦之十過則五行聚精三田結嬰人無中傷壽與天登  
所以爾者學士誦詠是經召命五星順應和樂六腑安甯穢氣  
消亡心感洞真以制十方法施天靈天人皈依災害不生可伏  
御地祇束縛魔靈卻死留形輕誦此章身則被殃供養尊禮門  
戶興隆世世昌熾與善因緣萬災不干神明護門斯經尊妙獨  
步玉京度人無量爲萬道之宗巍巍大範德難可勝

道言凡誦是經十過諸天齊到五星真君五方大神悉降其所  
三辰在人身命或凌犯勃蝕伏逆爲災使世生民運爲不遂理  
務乖違宜齋戒誦經五星合度五行順治災害消弭億曾萬祖

道藏輯要

度人妙經

三

角集七

幽魂苦爽皆卽受度上升朱宮格皆九年受化更生得爲貴人  
而好學至經功滿德就皆得神仙飛升金闕遊宴玉京也上學  
之士修誦是經五星旋行回而不轉三宮填滿自然得真皆卽  
受度飛升南宮世人受誦則天輪順次一十二宮不相違錯運  
過限臨氣超候接周徧宛協身無殃咎真氣內結邪癘不干延  
壽長年後皆得作尸解之道魂神暫滅不經地獄卽得返形遊  
行太空此經微妙普度無窮一切天人莫不受慶無量之福生  
死蒙惠上天所寶不傳下世至士齋金寶效心盟天而傳輕泄  
漏慢殃及九祖長役鬼官侍經五帝玉童玉女各二十四人營  
衛神文保護受經者身

道言正月長齋誦詠是經五行順治春氣遂生萬物秀成胎卵  
化溼就形無隕自然通神上世亡魂斷地逮役度上南宮七月  
長齋誦詠是經五行順治秋氣遂成萬類堅革就養燕甯金真  
入骨身得神仙諸天書名黃錄白簡削死上生十月長齋誦詠  
是經五行順治冬氣剛凝萬物歸根陽氣潛形太一復位帝主  
道興五星聚中聖德日新四海澄波六氣和平臣民康樂億載  
太平壽等天地日月無傾兵消疫散時清德盈爲國王帝主君  
臣父子安鎮國祚保天長存世世不絕常爲人君安鎮其方民  
稱太平八節之日誦詠是經五行順治十方齊營真氣周流時  
化自然所作皆成內功克備得爲九宮真人本命之日誦詠是  
道藏輯要

度人妙經

三七

角集七  
X上九

經五行順治災害不經三刑六害劫耗傷驚星光曠身仙道自  
生魂神澄正萬氣長存不經苦惱身有光明三界侍衛五帝司  
迎萬神朝禮名書上天功滿德就飛升上清

道言行道之日皆當香湯沐浴齋戒入室東向叩齒三十二  
通上聞三十二天心拜三十二過閉目靜思身坐青黃白三  
色雲氣之中內外翳冥五星在頭光氣纏繞青龍白虎朱雀  
玄武獅子白鶴羅列左右日月照明洞煥室內項生圓象光  
映十方如此分明密祝曰

無上玄元太上道君召出臣身中三五功曹左右官使者侍香  
玉童傳言玉女五帝直符直日香官各三十六人關啟所言今

日吉慶長齋清堂修行至經無量度人願所啓上徹徑御  
無上三十二天元始上帝至尊几前畢  
引悉三十二過東向誦經

道藏輯要

度人妙經

卷

角集七

正一天師清微弟子洪百堅製作  
道教學術資訊網站

元始無量度人上品妙經

元始洞玄靈寶本章五行順治真化度人百魔隱韻離合自然  
太無元冥杳寂無真空極生神真炁神存兩半同升陰陽始分  
黑白二物爲天之尊中黃爲土四氣潛形赤明開圖乃有五星  
熒熒列位道之淵靈太空真土鎮德自名鎮之父母甲巳爲源  
網緼相求土形乃生乙庚合氣土乃孕金金德神武承天之根  
金液化水丙君辛臣水性潤下金土感化勾芒吐綠青芽起雲  
雲回上清癸魄戊魂日月含育赤精揚煙煙息體合氣歸返真  
神化無門無門爲空空爲土公九還七返至道之宗是曰五行  
順治而通陽順則福陰逆爲凶順治五行惟帝之亨萬天凝粹

道藏輯要

度人妙經

五

角集七

×××

浩劫又甯五行尅伏鬱拂差勝自非通神不知至聖土爲中主  
五劫氣彊木來尅之非謂勝制欲其順昌木極金犯金勝火流  
火炎水濟凡此皆爲尅伏世之鄙愚不悟天道貴其中順惟其  
平調爲帝之德順治無偏玄之又玄至寶順生礫石迺成瓊臺  
玉闕金樓碧城鬱羅蕭臺玉山上京上極无上大羅玉清若亡  
若存隨意而營浩浩梵氣瀰漫無形中有大帝三清之君中有  
九老仙都之真中有黃元九素大神中有白元皓空之君中有  
太玄五靈洞微之神中有青華九仙丈人中有赤書紫文之君  
中有太皇萬福順治元化延壽度厄尊神今日校錄諸天臨軒  
東方無極青帝木真神王長生大聖無量度人

南方無極赤帝火真神王長生大聖無量度人  
西方無極白帝金真神王長生大聖無量度人  
北方無極黑帝水真神王長生大聖無量度人  
東北無極大帝玄女神王長生大聖無量度人  
東南無極大帝赤子神王長生大聖無量度人  
西南無極黃帝土真神王長生大聖無量度人  
西北無極大帝天姥神王長生大聖無量度人  
上方無極真帝玄父神王長生大聖無量度人  
下方無極元帝道母神王長生大聖無量度人

十方至真飛天神王長生度世無量大神並乘紫霞流精之輦

道藏輯要

度人妙經

三

角集七

×川文

太微金明五真混變無極之駕素麟丹鳳青鸞黃獸萬福之騎  
天仙扈從七億萬人執持雙珠月明白羽玄干冠帶九氣三辰  
之華九歌陽音八素陰唱嘯歌囉囉五老啓途羣仙翼轅億乘  
萬騎浮空而來傾光迴駕順治化生諸天丞相南昌上宮韓司  
主錄監生大神五帝司馬感生元君執籙把籍齊到帝前隨所  
應度循運諸天卻逆除暴調元五精水火不尅萬物悉全天人  
鬼神順道變仙順爲臣子忠孝德先忠感玉帝孝徹太玄陰陽  
和等三官列言人神感悅品彙駢繁下極幽都北山河源冥類  
苦爽時刻升遷以順得生仙化成人身身受度劫劫長存隨劫  
輪轉與天齊年永度三塗五苦八難超凌三界逍遙上清上清



之天天帝玉真無色之境梵行

東方八天

運智正除天

帝玉覺觀月

洞霞寂夷天

帝醜鑒元期

彰直元通天

帝鹹妄理真

照效清池天

帝苦勤寥

昌景仁政天

帝吉義安

蹈登煥夷天

帝長肱正基

崇譽炎常天

帝整真微臨

玉真高聖天

帝道極元凝

道藏輯要

度人妙經

三

角集七

南方八天

豔靜淵映天

帝胡尤琛

神鄉總樞天

帝勾龍師存

述理精玄天

帝石嶽正璘

火度化周天

帝選妙資忱

魔治宛靈天

帝兆勤洞豪

逸婁冲璩天

帝彊鹿皓蘇

赤奪標秀天

帝祈東偃名

太極順皇天

帝蕪軒董玄

西方八天

仇圖蔚育天

帝樂陀郝明

覩耀真妙天

帝祚莊堂

梵度明瑤天

帝宗耀頓康

抱正斗機天

帝斬伐魔凶

辨伏安道天

帝嗣康監生

素明洞虛天

帝惠施部慈

華都耀明天

帝維樞婁命

要玄大皓天

帝晶絕神環

北方八天

神府公符天

帝宿陰城

道藏輯要

度人妙經

梵章紫皇天

帝越平延

龍猷轄洞天

帝火巨爛焮

僊平清修天

帝玉素真華

混合妙真天

帝抱光紫輝

玄璘統儀天

帝時承道生

冥度弘嘉天

帝香曲玄嶼

澄漢洞浮天

帝中極幽微

三十二天三十二帝諸天隱諱諸天隱名天申空洞自然靈章  
順治五星不有遲留伏藏悖逆道氣左回逆犯者追使氣循軌  
由正相生交養萬彙與帝同榮無敢天傷秀實華精一萬九千

四百二十一種穀果蔬畜五行順生食者長年不作疾病自致  
神仙此文隱諱知者不言悟真識玄玉書明宣諸天隱韻無有  
尅勝戰爭違忤干凌五星之分協和致福帝主萬年正氣殄滅  
妖怪凶害永捐順治之音順治之尊順治之神順治之魔順治  
之靈二景六合順躔上清紫微布氣招搖列星太和沖盈金木  
同形水火爲一土德共并殺害怒鬪以順得平無量之奧深不  
可詳數落神真普度天人今日欣慶受度歷關諸天請滅遲伏  
留逆勃蝕之氣斬絕妖根順度五常真流太玄五帝轉樞經緯  
天門東斗延生西斗合氣北斗養胎南斗行勢中斗受形三界  
福凝青帝樂金白帝同木赤帝運水黑帝助火黃帝舍虛五行  
道藏輯要

度人妙經

三

角集七  
X三三

協佐敢有惡逆不順道者戮以風火青天真王治木之鬼赤天  
真王斬火之賊白天真王斷金之邪黑天真王滅水之怪黃天  
真王伏土之殃五帝真王萬神之宗飛行鼓從總領神兵麾幢  
鼓節遊觀太空自號赫奕諸天齊功上天度人嚴攝妖凶木氣  
逆土土制水窮水藏火精火鍊金鎔金還尅土相迭爲凶五帝  
握符五星御龍循繞靈綱使氣和同五行順治不有尅傷天人  
協道萬物輝昌自然長生時化明雍天地正輪六精允隆萬氣  
無愆聖運無窮萬神咸聽三界五帝列言上清  
龍漢延康真道惟常恍惚無形初不隱彰元晶廓如混氣華芒  
赤黑潛孕五氣乃光方域定位東西擊攘形勢相乘或柔或剛

金木爭戰龍虎騰驤陰制於陽陽薄於陰凌奪無期氣與神傷  
元始行道五星尊王善爲陽順惡爲凶戕正眞御樞中極命神  
順以治化化開玉京晃燦玄臺碧落維大天上天下無幽無冥  
無形無影無極無窮赤明開圖運度順行元始安鎮瓊篆玉文  
流雲翥鳳元氣道根保制劫運使天長存梵炁彌羅萬範開張  
元綱流演三十二天輪轉無色周回十方旋斗厯箕回度五常  
三十五分總氣上元是謂順行不犯神綱綱以制氣進退所將  
好生協從輪無蹶張順道偶和和密而淵八景冥合氣入玄玄  
玄中太皇上帝高眞泛景璇圖敷落洞章赤書五篇制斷不祥  
經緯得緒三界福堂帝德體循紫庭聯芳雲宅玉靜日闕金璫

道藏輯要

度人妙經

卷

角集七  
X 8 上

皇皇寶華空洞自然千和萬合五政成眞眞中有神長生大君  
無莫木帝白元金神太一治土司命火尊桃康合延水祖大溟  
執符把籙保命生根上遊上清出入華房八景之內細微之中  
下鎮人身泥丸絳宮中理五氣混合百神十轉回靈萬氣齊仙  
仙道貴生無量度人上通玄門飛天法輪順治命延罪福禁戒  
宿命因緣普受開度飛魂生身身得受生上聞諸天諸天之上  
各有生門中有空洞謠歌之章五眞靈篇辭參高眞  
第一五星眞君紫微定位飛空之音

太空無邊

道體自然

冥漠匪迹

混沌之先

恍惚中物

至精不遷

升陰降陽

元氣綿綿

氣從何生

太虛發煙

晶明在胎

神氣淵泉

三五既名

七九相連

氣分方畔

水火變生

疆弱剛柔

道功無全

根角有來

落落在天

生化由之

悟則神仙

五行共濟

五賊為緣

水火金木

中土天關

尅制則鬱

氣變成姦

不動則平

化力無傳

歌此靈音

泛駕翩翩

第二五星真君順治五氣招玄之章

道藏輯要

度人妙經

三五

角集七

金光在東

炎炎寶龍

西靈授符

南山起雷

黃旗翻翻

環拱太微

履道無爽

真氣所歸

錦輿琅軒

金馬玉鞭

吾何狩之

周流八騫

事君事父

順忠孝先

道妙在茲

祕不可傳

上輔帝臺

出為德宣

吾道正明

光揚九天

生植和澤

造化匪艱

布于天道

灌氣巡環

庶品孳育

各用其元

光亘上下

萬氣同仙

內福三界

外洞八玄

天順明清

地順咸甯

人順胎丹

重閣胞局

出生無死

徹視通靈

神變入空

驂駕九龍

慶耀流彩

五老命封

玉策絳章

左嘯華童

右扶太真

流金火風

順行祕道

萬帝唱恭

五行返一

非有無中

第三五星真君順治運度大霞歌曰

天市層垣

列耀猶肆

我執玉書

赤文大字

刻寶光門

瓊館北軒

星國萬里

仙民駢繁

中有帝皇

道藏輯要

度人妙經

三

角集七  
1181

絳闕紫烟

雲盈我居

光浮我廬

陰陽二景

瑤琳珮珠

齶齶其行

五色自生

遲伏留逆

順德無爭

以順事帝

動如符契

以順事天

得道自然

以順生化

神功綿綿

氣合太無

結錄寶圖

五篇玉文

迴旋帝車

帝車在東

仁化普從

大標經西

攬槍協齊

順道為治

神造希夷

我位上王

炯炯其方

善惡不遺

德之所臧

順為聖德

萬方作則

不順天運

變為五賊

道幾無形

杳杳元精

生化無窮

螭迹彫瓊

雲萌紫素

咽服玉精

目視三素

倏忽變通

神母玄父

日月瞳矐

此三界之上飛空之中五星真君順治五行至妙之音音參洞章誦之百遍名度南宮誦之千遍五帝保迎萬遍道備飛升太空過度三界位登仙翁有聞靈音萬神敬形敕制地祇侍衛送迎拔出地戶五苦八難七祖升遷永離鬼官魂度朱陵受鍊更生是謂無量普度無窮有祕上天文諸天共所崇泄慢墮地獄

道藏輯要

度人妙經

卷

角集七  
川文川

禍及七祖翁

道言此二章並是諸天上帝及五方真元道君至靈隱祕之音皆是大梵之言非世上常辭回度順綱使流演得宜遠諸災殃降致和氣福如太倉故謂玄奧難可尋詳上天所寶祕於玄都紫微上宮依玄科四萬劫一傳若有至人齋金寶質心依舊格告盟十天然後而付焉

道言夫五行順治則萬物有宗陰陽至和三界歡樂天人長年無天折尅傷之患若氣化失次星度迭軌刑殺制勝竟不休息則天地運度亦有否終日月五星亦有虧盈至聖神人亦有休否末學之夫亦有疾傷以其五行之氣不以順道則天人怒而

不喜人鬼凶而不吉凡有此災同氣皆當齊心修齋六時行香十遍轉經福德立降消諸不祥無量之文普度無窮

道言夫世人生命限臨滯厄運卽相須水火交錯數歸滅亡氣索命終以五行刑尅併於絕地故也不知身壞物弊而真神本元之主道之至精未嘗滅也五行逆次則天地終極或未學道淺仙品未充運應滅度身經太陰臨過之時同學至人爲其行香誦經十過以度屍形如法魂神徑上南宮隨其學功計日而得更生轉輪不惑便得神仙

道言五星凌犯不順治其道上爲天災下爲地禍中爲人患天地運終星宿錯度日月失昏四時失度陰陽不調不順於天也

道藏輯要

度人妙經

三

角集七

八八八

山摧地震水湧泉涸獸食人民蝗鼠害稼陷沒注決風火迸出壓溺倒裂不順於地也國境生災兵革興作疫毒流行兆民死傷師友命過鬼出爲祟不順於人也五行失順則物莫能治欲使順道自然天下安謐者皆當修齋敷露五方真文立壇奉幣以告五帝行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人克得爲聖君金闕之臣諸天記人功過豪分無失天中真王亦保舉爾



身得道者乃當洞明至言也

諸天中大梵隱語無量音 道君撰

元始靈書五行順治玉篇

東方八天

神履易圖 玉過山回 子王七覺

輔波僊深 巨烈靜卒 江梗呼迎

寶煙披澤 始栗備身 閱碩彊偃

辨卑羅蜜 魯輦息家 處檀移心

魔詠枝河 究屈張平 蘭球珠忽

离龍梵陰

道藏輯要

度人妙經

三

角集七

南方八天

太玄混微 斗著轉華 移盈曲祿

報該無涯 念蕩董頤 救明演徒

極深光總 九搖契遠 露戟韓司

洎詵招西 飛玉投檢 瓊籌泛芽

丹明希沈 長幾嶧訛 騫傳良滌

房覩迎陀

西方八天

音混眞隅 柳寂鎮鋪 義殿洪護

遭健錫無 仗伎亟丑 月羅雲奔

部茫哆參 王中玄臺 元洞惡奕

靈童爛浮 祥甯寔賈 靈提了謀

勤玄樂明 耀雄傳孤 梵明皇景

豐嬉並元

北方八天

太玄宛室 旗正亭白 沈酬幾澄

貴真奚名 廓定逸革 樞靈愬繚

韶庭涓瀆 醜那奕升 宿嶽林歷

道混魔京 罔被淵密 龍固迷緣

太陰九靈 魔微朝徵 神瑛沙蘭

道藏輯要

度人妙經

罕

角集七

韞誥仙盟

道言此諸天中大梵隱語無量之音舊文紫筆題璇璣之門以  
東方八天第一第二第三字正天分度丹書龍臺玉山中閣以  
南方第六天第四第七字使五行順治氣不害逆三華太玄碧  
落之文刻紀中斗魁宮司空之庭以西方第三天第五第七字  
第四天第一第八字以斬妖芒犯害順行之軌黃道之前為蠶  
之者使水火不尅正氣和甯帝道皇極吉昌蒼延大素錄簡之  
筆著文斗箕東北龍母之山鳴鼓之樓真靈瑤闕譙都之上以  
北方第二天第三天第四字第八天第一第四第七字以斷卻  
五行不循星車失度差躔之氣使五行順治降福人天為百靈

所仰萬神所遵字皆廣長一丈八角垂芒方廣如印天真皇人  
昔書其文布於八天十方上下以爲正音有知其音能齋而誦  
之者諸天皆遣飛天神王下觀其身書其功勤上奏諸天萬神  
朝禮地祇侍門大勳魔王保舉上真道備克得遊行三界升入  
金門

此音出空洞之中太和冲杳之氣結成正音五行刑害不順行  
度失治禍及民者鼓其音而禳之天垂甘露地生神芝金寶開  
泄符瑞自生無所不辟無所不禳無所不度無所不成天真自  
然之音也故誦之致飛天下觀上帝遙唱萬神朝禮三界侍軒  
羣祇束首鬼精自亡琳琅振響十方肅清河海靜默山嶽吞煙  
也

道藏輯要

度人妙經

聖

角集七  
川卷三

萬靈振伏招集羣仙天無氛穢地無祲塵冥慧洞清大量之玄